

Zeitschrift: Il glogn : calender dil pievel : annalas per historia, litteratura e cultura romontscha

Band: 1 (1927)

Artikel: Ina égliada anavos egl exteriu

Autor: [s.n.]

DOI: <https://doi.org/10.5169/seals-881136>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 06.07.2025

ETH-Bibliothek Zürich, E-Periodica, <https://www.e-periodica.ch>

gudogn schuber della banca cantonal (meins 100,000 fr.) croda dacheudenvi ella cassa cantonal.

Cun quella caschun ei era igl art. 3 della lescha de viafier de 1897 vegnius midaus. Tenor igl art. revediu separticipescha il cantun Grischun aunc adina vid l'erecziun de novas viasfier, mo surpren el ussa per in pli grond importo resp. aczias ch'entochen da cheu, conform alla svalutaziun dil daner.

Tgei fretgs quella revisiun parziala porta, savein nus buca dir oz. Il temps vegn a metter nus ord marveglia.

Ils quater de fenadur 1926 han ils trens saviu cursar per l'emprema gada silla lingia de viafier Gletsch-Muster. Igli ei quei in emperneivel evenement per la tiara, en special per la Surselva. Speronza che la nova interresa flureschi e prospereschi e porti a nus quei che nus havein spetgau dad ella.

En quei liug cartein nus ded era stuer far menziun della schinumnada „Il brev dils artechels de Glion,“ decretada dalla dieta delle ligias ils 25 de zerladur 1526, pia avon 400 onns a Glion. Entras ils artechels de Glion ei d'ina vart il fundament per la po-

litica dellas treis ligias duront il suandon tschentaner entochen il contract de Lindau vegnius mess, da l'autra vart formeschian els la conclusiun d'in liung svilup politic e social.

In auter giubileum de 400 onns ei quel dell'indipendenza della Mesolcina. Sco igli ei a nus enconuschen ord la historia, residavan el temps-miez ils baruns de Sax-Mesauc sil casti sper Mesauc. Els regevan sur gronds territoris leu el contuorn ed havevan principalmein entras lur parentela e relaziuns grond'influenza. In commember de quella famiglia ha igl onn 1424 gidau ad engirar la Ligia Grischa a Trun, sco nus havein viu. La sort denton ha vuliu, che quella d'in temps loscha schlattineha piars ses gronds beins. Il casti cul segneradi de Mesauc e Calanca ei 1490 ius vi en mauns della famiglia milanesa Trivulzio. Essend ch'ils indigens vesevan nuidis quei domini jester en lur tiara, ein els, il settember 1526 tier ina buna caschun, sefatgs libers da quel ed han devastau il casti. Vid quei impurtant evenement duei la fiasta centenara dils 12 de settember a. c. regurdar.

— m —

Ina égliada anavos egl exteríur.

En Germania eis ei vegniu meglier. Gronds umens han mess sin buna via il carr che fuva disviaus entras la politica tschocca dils giunchers prussians. Hindenburg, il grond general, ei era semussaus sco um carschius per la politica. El ha giu buns conluvrers principalmein en la persuna dil prudent e lingier Stresemann, e dil cancellier Luther, che ha ussa bein stuiu untgir a Marx, mo che vegn seguir puspei in di a vegnir clamaus sil post ch'el s'auda. Ils principals scameis, che la Germania ha cavau uonn el grep mundial, per puspei vegnir ad ault, ei bein

stau il pact de Locarno, ed il pact de neutralitat cun la Russia. Sin la conferenza de Locarno han ils Tudestgs renconuschiu ils confins scatti tras l'uiera egl occident, e cheutras resignau sin l'Alsazia e Lotringia definitivamein. Quella raschuneivla disposiziun dils menaders tudestgs ha bein fiers si bia puorla ella tiara sezza. Quei pact, fatgs a Locarno ils 25 d'october 1926, ha naturalmein aunc stuiu vegnir ratificaus dallas differentas tiaras. Quei ei daventau ed igli 1 december 1925 ei il pact finalmein vegnius suatasrets e Londra. Igli emprem avantatg

ei stau, che las truppas englesas han bandunau il territori occupau della zona de Cologna ils 29 de schaner 1926. — In pact en sesez apparentamein innocent, mo che munta tonaton ina leva smanatscha encunter la ligia de pievels, ei quel cun las republicas dils soviets. La ligia de pievels ha tier sia radunanza della primavera 1926 stiuu refierer la recepziun della Germania, che fuva s'annunziada, perquei che la Brasilia ha mess en siu voto cheu encunter. Quei ei buca stau bi. Tgei drova l'Europa la Brasilia ed auters stadis americans en sia ligia? — Tgei schess l'America, sche l'Europa semischedass en sia politica? — Denton ussa vul la Brasilia extrar; speronza buca biars che bragian per quei pass. — Da present battan ins en Germania pervia dellas proprietads dils prencis, che regevan leu avon la revoluziun. Igl episcopat tudestg sco era il centrum fan opposiziun a quellas malgestas aspiraziuns, che vulan engular la proprietad privata. La proprietad privata duei restar intacta, seigi ella lu d'in prenci, ni d'in luvrer. — La situaziun economica ella Germania ei dal rest buca pli ch'in ton buna. La munconza de lavur para ded esser fetg sensibla. Alla fin de 1925 deva ei leu datier d'in milliun senza lavur. Grondas inundaziuns sper il Rein, Main e la Donau, han caschunau in donn de 30 milliuns marcs d'aur. Perquei capin nus era che la Svizzera ei inundada da luvrers tudestgs. Aschia duei in marcau svizzer persuls, in dils gronds, haver da present ca treis quartas mo fumitgasas giuvnas tudestgas.

La Frontscha stat aunc in bien ton mender, malgrad sia victoria. La miseria de sias finanzas sto metter sutsu quella tiara, baul ni tard. La catastrofa po s'entardar empauet ussa entras las emprovas de Poincaré, il niev minister dellas finanzas, che para de haver ualti bia energia. Mo vegnir sto ella. La tiara ei en mauns dils gediis e lur fumegls, ils framassuns. E quels che han culau ora seiv en Germania ed Austria, rauissan era buca, entochen che la Frontscha ha ni carni seiv pli. Ualti smagliada e pigiurada eis ella schon ussa. Gie, l'Europa entscheiva a

vegnir magra e veglia. Denton empleneschan ils gediis lur sacs e satgets cun igl aur che ha fatg sventirada l'Europa. — Il sulet um che ha adina mussau empau optimismus per igl avegnir de sia tiara, ei bein Briand, il pli mal tacticher politic della Frontscha. Perquei ha il pievel era adina puspei fidonza sin el. Denton, tgei gida ei de far vegnir in bien miedi per in moribund? — Las aventureus interpresas en Marocco encunter Abd el Krim, han era custau tschiens milliuns alla Frontscha, che lezza havess meglier spargnau per l'atgna tiara. Abd el Krim ei bein surventschiis ad interim; mo ei para ch'il ruau en Marocco seigi buca restabilius per ditg. — In fegl ualti ner en la cronica della Frontscha ei la destrucziun dil vegl e venerabel m a r c a u d e D a m a s c u s, nua ch'els han mazzau 3000 personas e fatg in donn ded enzaconts tozzels milliuns. — In simpton della lavur de talpa dils gediis e framassuns ei era il streic delas bancas della stad 1925 che ei bein buca curdaus ora suenter giavisch dils empleoai sez, mo plitost suenter quel de ses inscenaders, che sezuppan denton innocentamein davos lur mascras. Pertgei l'influenza de quei streic, cun outras „traplas“ ensemes, han mo sminuiu il credit della tiara, e la valuta dils daners franzos. Con ditg va ei aunc, avon che las tiaras europeicas vesien la schliatadad de quellas machinaziuns giudaic-finanzialas? Ferton che prenci Windisch-Grätz vegn truaus pervia de sfalsificaziuns de notas franzosas, sco el mereta gie, senuspresa ins aunc adina a Paris ed en auters loghens, de trer avon dertgira tuts retgs della bursa, il bia gediis bategiai e buca bategiai, che cugliunan e terroriseschan il mund aunc pli fetg che quei prenci. Raschun per far il process a quella genira e sequestrar lur rauba malgesta e tratga orasut las unglas dils pievels, fuss segir sufficientamein avon maun. Ei duvrass leutier mo in um ferm sco Mussolini ni magari aunc pli ferm. Lu calassen quellas machinaziuns, che portan en miliuns a lur inscenaders, gleiti de inquietar il mund.

La Gronda Bretagna resta sil pei vegl. Sia politica para ded esser la pli solida.

Ina gronda midada han las elecziuns digl october 1925 purtau: la partida liberala sut Llo d Georges ha piars 120 da 160 mandats, ferton che la partida conservativa sut Baldwin ha obtenu varga 400 (247). Era la partida dils luvrers sut Macdonald ha piars varga 40 mandats, aschia che Macdonald ei sereratgs e Baldwin ei daventaus president dil ministeri. De remarcar ei era ch'il pact de Locarno ei vegnius suttascrets a Londra. Luvrar vul ins en Svizzera, triumfar aver a Londra. Grond donn fa economicamein il streic general en quella tiara, schegie ch'el vegn a purtar negin gudogn als luvrers. — De remarcar ei aunc, che ual quella tiara ha aunc adina las pli biaras conversiuns tier la baselgia catolica.

La historia della Italia ei da present quella de Mussolini. Quei um de fier ha capiu de far svanir las partidas che lavagavan in saun progress en l'Italia, e che impedeschan aunc ussa tier nus in operar prospereivel per la tiara. En ina tiara cun pliras partidas enqueran tuttas quellas, era las meglieras, mo lur agens interess, e quels della tiara pér en davosa lingia, cura ch'igl ei per ordinari d'encurir nuot pli. Quei ei svaniu en l'Italia sut Mussolini. Cheu tut che sto luvrar per il beinstar dil stadi che ha da present era fatg gronds progress. Mussolini ha scaffiu ina autoritat, savens era sustenida dalla forza. Nua ch'igl ei autoritat, vegn igl uorden cul temps era. Sia autoritat han igl emprem ils socialists empriu d'enconuscher, mo buc il davos era ils signurs liberals e ded autra colur. Mussolini ha saviu, ch'in pertratg nazional fetschi gronds in pievel e detti forza a quel, e buca tschien pertratgs de partidas.

L'Italia ei sut siu commando vegnida luvrusa, segir in bien auspeci per sia futura prosperitad. Era per la baselgia eis el entochen ussa facticamein staus d'avantatg. Sche la damonda della restituziun dil stadi papal en ina certa fuorma daventa enzacu acuta, sa quei il pli tgunsch daventar sut Mussolini. Naturalmein ei quei um in legn,

il qual denton biars manegian de haver sligiau. Siu ideal ei ina Italia gronda e pussenta. Quei sa ella mo esser, sch'ella ei era religiusa e buca mo luvrusa. Perquei capin nus el, sch'el sustegn la religiun nua ch'el sa e po. Havend el era auters pertratgs, ha el anflau quei flot pertratg, che vegn aunc adina buca tier auters gronds politichers europeics, temend de buca anflar compagnia. — Politicamein sa Mussolini, resp. sia Italia fascistica, daventar in prighel era per la Svizzera. El mument che nus scrivin quei, arriva la nova, ch'il reginavel dell'Italia hagi decretau in subsidi de 15.000 francs per in baghetg della scola taliana a Locarno. Nus capin buc, che la Svizzera lubesch enzatgei semegliont sin siu territori. Apparentamein ha Mussolini pli bia inschign che nos diplomats. Quei ei denton ina pintga part della propaganda ch'il fascismus astga far en Svizzera. Cheu pudess ins era clamar, sco nus havein pli baul legiu en in cudisch de scola: „Gion Paul, Gion Paul de Flem, stai si!“ —

Ell' Austria eis ei stau ualti ruasseivel igl onn vargau. Dr. Ramek, crist.-soc., ei aunc adina cancellier guernativ, Cont Conrad de Hötzendorff, il genial generalfeldmarschal, ei morts el decuors digl onn, da 73 onns, e vegnius satraus cun honurs sco in prenci. — De grond prighel per l'Austria ei dal rest il luvrar sut cozza da part della Germania e principalmein dils nazionalists leuora, per trer ina gronda part tier il reginavel tudestg, che duess lu cul temps puspei alzar il tgau. — Igl um culs pli gronds merets per l'Austria, che ha gi-dau quella tiara buca meins che Mussolini la sia, ei prelat Dr. I. Seipel. Quel ha era duront igl onn vargau capiu de leventar interess per sia patria egl exterior, perfin a Paris, nua ch'el ha era dau enqual buntg-nada.

En Spagna savein nus registrar la dictatura dil general Primo di Rivera, che para denton buca de haver aschi profundas ragischs sco quella de Mussolini. Quei

muossan las prigulusas conspiraziuns descuvertgas il davos temps. Pli bia neblas che sulegl ha era l'uiara encunter Marocco purtau alla Spagna.

Era la Grecia ha anflau igl um che damogna ella en general Pangalos, che fundescha medemamein sia dictatura sin il militer. Igl avrel 1926 ha el „seschau“ leger sco president della Grecia.

En Belgia ei ils 23 de schaner 1926 cardinal Mercier, arzuestg de Mecheln e Primas della Belgia, morts. Cun la Belgia stgein era nus mirar si tier quei um, che ei vivius e morts sco in sogn.

Dal Balkan san mo scandals vegnir relatati. — Ils Stadis Uni dell'America settentrionala negan bunamein els daners. Els ein ils crediturs prepotents dell'entira Europa. — Mexico ha de far il mument nuot pli perdert che perseguitar spirituals e soras dellas congregaziuns catolicas. El medem temps vegn la tiara devastada e ruinada d'inundaziuns ed otras disgrazias, che arvan forsa ils égls a quels regenters

tschochs. — Ella Persia ha ei dau ina „pintga“ midada, v. d. la dinastia veglia ei vegnida detronisada, pervia dil „beinstar cumin.“ Riza Khan, in um ord il miez dil pievel, staus sempel schuldau all'entschatta, mo lu s'avanzaus, ha supriu il guvern sco emprem minister. Igl avrel 1926 eis el vegnius proclamaus ed encorunaus sco schah della Persia e Teheran, naturalmein cun gronda pumpa orientala. Na, el ha silmeins ina buna testa, sco ei para.

Ella China procureschan ils differents generals, schalus in sin l'auter, che nus stuein buca temer ad interim il prighel mellen. L'uiara burgheisa ha decimau il pievel e depauperisau el. Mender stat ei cun las missiuns, carschend igl odi encounter tut quei ch'ei europeic, era encounter ils missionaris. Quei havein nus d'engraziar alla politica dils Engles e Russ. — Ils Japanes, schechie tuccai da bia tiaratriembels e disgrazias, tschaghegnan aunc adina buca nuidis neu encounter l'Europa e comparan en siemi forsa era als Americans.

Fatgs confessionals.

A. Part catolica.

Papa Pius XI, naschius ils 31 de matg 1857 a Desio, Milaun, ordinaus spiritual ils 20 de december 1879 a Roma, prefect della biblioteca Ambrosiana 1907, prefect della biblioteca Vaticana 1914, nunzi en Pologna 1918, arzuestg de Milaun e cardinal ils 13 de zercladur 1921, elegius papa ils 6 de fevrer ed encorunaus ils 12 de fevrer 1922.

Uestg de Cuera: Mgr. Georgius Schmid de Grüneck de Surrein-Sumvitg, nasch. 29 nov. 1851, ordinaus spiritual igl 1 d'uost 1875, elegius uestg 7 de matg e consecraus 4 d'oct. 1908, assistent dil tron papal e cont roman 1921.

Vicari general: Can. Dr. L. M. Vincenz. — **Canc. episc.:** Ant. Simeon. — **Registratur:** Can. Dr. J. Ruoss. — **Secretari:** Fr. Brehm.

— **Archivar:** G. Battaglia. — **Regens dil seminari s. Gieci:** Dr. A. Gisler.

Capetel cathedral: Domprobst: G. F. de Florin. Domdecan: V. Laim. Domscholastic: vic. gen. Dr. Vinzens. Domcantor: E. Lanfranchi. Domcustos: R. G. Caminada. Domsextar: Dr. J. J. Simonet.

Canonis extraresidenzials: Plev. e decan Dr. A. Schmid, Muotathal. Vic. ep. J. B. Büchel, Bendern. Plev. St. Sonder Stierva. Spiritual G. Vieli, Cuera. Prelat e prof. Dr. A. Gisler, Cuera. Plev. P. Chistell, Domat. Plev. Bas. Vogt de Balzers a Turitg. Spir. Dr. Fr. X. Marty, Ingenbohl. Dr. P. Bondolfi, Immensee. Plev. Gud. Engler, Conters. Decan e com. episc. Fuchs, plev., Altendorf. Caplon episc. Dr. J. Ruoss, Cuera. Vic. episc. Gius. Al.